

四庫禁燬書叢刊編纂委員會

北京出版社

四庫禁燬書叢刊

集部第一六〇冊目次

長水先生文鈔二十四卷(二)

〔明〕沈懋孝撰
明萬曆刻本

..... 一

陸學士先生遺稿十六卷

〔明〕陸可教撰
明萬曆刻本

..... 二七七

浮來先生詩集十四卷

〔明〕公鼎撰
明天啓五年刻本

..... 五〇三

鍾惺文鈔不分卷

〔明〕鍾惺撰
清鈔本

..... 六六一

長水先生文鈔二十四卷(二)

〔明〕沈懋孝撰

明萬曆刻本

中國科學院圖書館南京

圖書館藏

貴園州小叙

蓋余素時好沈默性不喜游家
大父故有逸民山陰當歲多時
諸卉具繁携之念書簾前
終日不印只看紅紫旁人謂之
不慧自臨水竹間掇花簪簪
耳——壯游集卷一 時多時歸
搖不知人間娛樂等事其居里
中郊鄺地賈高亡能規尺壤
以故生平各別墅每乘小船訪
三吳諸故知尚朝槐夕或托僧
園林為一皆之這亦復不省佳妙

佔何狀茫希文之江東貴人多名
園雖則陣多游者晚歲余貧
落不語之花石相知間因謂之
缺典蓋稀幸之園貴帝之園
總之空名耳——因署以集張為
字曰貴園州 竊比之 希
帛者云失貴園之部——白貴
地近過此以上浮華利祿盡
一真復多物依然在今安天行
界中混沌濛濛之未之或知也此是
當要所欲論著者已酉年春
仲靜清居士日題時年七十

賁園艸目錄

序五首

書八首

記三首

論三首

說一首

題辭一首

祭章二首

傳一首

長水先生文鈔八目錄

行述一首

紀事二首

雜著三首

長水先生賁園艸

長水郡當湖沈樸孝幼真甫著

門人新都洪文衡正平甫校

題桃花峪詩圖冊子敘

少司馬海豐二山楊公以母太夫人壽九旬又
七齡疏請終養主上方孝事西宮特俞
所請賜金幣寶鏤乘傳以歸既抵家時奉太夫
人肩輿行游故里其山莊曰桃花峪者頗有竹
樹魚鳥之觀司馬則皂帽布袍騎青牛以從好
事者因繪其事為圖傳天下昔為桃源之洞府

今開西母之瑤池河陽一縣花潘輿三春柳開
居賦中所云羅長筵列孫子柳成陰花結子者
倘百代如親焉孔子曰大哉虞氏之孝宜民宜
人受祿于天得壽得名自天申之天人之際豈
不符洽者歟其同鄉給諫賈君汝修為司馬傳
札屬沈某序其冊夫孝德携珎壽母康樂清朝
恩寵近古所希故士大夫閭侈哥之余為敘厥
美今日文流其芳聲焉且司馬素博洽好文其

言古作者常表裁于冲澹簡遠今文乃何像
公是抑所云質直少文或可無媿焉桃花庵者
山谷別名古稱北至于無棣者斯其地也

表氏世範序

今天下文藻新異書流傳日熾方沐浴清平似
兩晉間風尚即有才俊揅管便攻華言并與其
氣習亦多恢然浮蕩倘不幸登第為吏遂多情
於當世之故其人終身不靈余所親記甚有之
蓋小學家範薄之為學究書不接耳目之日久
其大人長者閱歷醇深動成父象即巉岩下或
自有其人而窮鄉下里士又不及瞻見形儀想
聞篤論是以每歎蒙貞失養塾師輩俚言小書
汨亂童心惜其無以療之也往在長安師次同
館河南張廷芳惠余宋人三衢表氏世範其中
具睦親持已治家三事各數十條其言不比文
苑之言大都深識人情飽嘗世故實歷真言刺
心苦語非老吏歸田即薄游行路或如耆臣告
主亦似莊家訓兒玩之味泳行之義精布煥數
甘有補生人日用若以參於顏柳司馬家訓之
間自是一套近裏佳言士大夫家若以此訓子
弟日放几格前真可破其虛憍迂誕不諳世務

之習比于猗菴葛陽調元邵疾功則偉焉頃見
江右藩伯吳霞城刊此殊愜鄙志因為再序以
廣其傳若以此書具訓蒙士先讀孝經小學類
柳諸訓并與是讀之令其心目清正天聰內含
即繇此進習論孟六經之大指倘亦聖功養正
之梯級乎此義何可少也

為俞元禮壽其舅氏董先生配李淑人序
余讀十五國風見古之仕者行役四方則其室
家往往多勞苦念思之辭竊計古之婦人女子
不下房閨未必如今日者從其夫子馳騫萬里
外陟嶽登危與同孤矢四方之志也當斯之時
忠無顯禍國無嚴譴即有出疆他適之臣或未
必羈窮顛頓有與同憂患之婦國風所不載後
世靡得詳焉蓋至後世而多屏逐移徙之臣亦
有羈窮顛頓與同憂患之婦不窺之黃雲白草
長水先生文錄
五
龍沙虎窟之卿即投之乎瘴雨蠻煙炎海絕微
外而先王時所為歛其室家勞苦以慰藉其平
生者寥寥不可復見矣藉今先王時婦人女子
或有相夫子羈窮顛頓萬里投荒之役者此其
人豈出放妻棄婦下而十五國風者又安得獨
遺之吾是以歎臣狗君婦狗夫各徇所天忠規
貞志無以兩也世或不能並哉其事編之國風
之末將非史氏之闕文歟往在嘉靖季年權相
擅朝濁穢王度于時危言極處犯九死而排之

者若焦山楊先生梅岡沈先生幼海董先生三
數人止耳並得奇幸或死或囚或戍萬里外余
童子時聞其事讀其跡氣填膺而義壯之比年
董先生之甥俞君元禮為余子師得習聆先生
為人又為余言夫人賢也元禮之言曰董先生
早貴性剛方不染並之滋垢夫人亦不喜靡愉
曰夫子性不低垂下人者貴富豈我長物哉以
先生言事下獄及在戍所歷八年了無一日愠
色晚再登朝夫人三受封所得章帔不輕御又
未嘗一日色喜當其言事時不謀夫人也而夫
人夢有簡書之畏既事且不測又夢自戍所且
生還人之得喪苦樂果有定命耶忠孝在所獨
往耳天生夫人宜為先生助所周旋窮阨豈一
日批項余執筆館下得為焦山先生立傳及其
夫人上疏請以身代事則端拜而歎忠臣賢婦
之烈也又得讀梅岡先生疏與其夫人上疏代
夫就獄以全姑之養而圖胤子則又端拜而歎
忠臣賢婦之烈也迺今得從俞君所數數聞董

夫人賢貞又如此嗟乎此三夫人者豈非天壤
間淑氣乎克相三丈夫名光圖牒不虛也獨年
壽云乎哉他日元禮偕某某來請曰維是月某
日夫人壽六十願徵子之言余曰董先生忍節
天下莫不聞夫人與共艱危有補國之風教言
聞不亡者壽殆謂是與為書之外史續十五國
風之義且告于立曰士大夫宜自立天壤母以
婦子之故不能自克庶乎足以風也

贈秀水陳令君入覲序

蓋吏道斌斌載在前史宜莫若漢始元元鳳間其時詔指數下郡國必曰政平訟理使丞庶安其田里無愁歎之聲曰治道不在多言悃悃無華為上考曰凡吾所謂良二千石誠心自然平易近民虛聲過情實此吾所不取彼時意指所鄉往在綜名核實周知民間隱情一切浚膏剝膚之條不得施設故敦大長厚之意見于詔令者每如此龔黃輩出賦薄徭輕時和歲豐小民大水先生文鈔八

安樂鳳皇來下人歌太平亦彼時之成康也使義想無從焉主上御寓三十二年春大計天下羣吏更以肆覲至者雲集京師上春秋鼎盛在勵精庶績之時必將羞薄漢武之均輸遠邁漢宣之綜核臨御三紀德澤宜久洽方隅大計之典于今且十舉銓司考成于朝部使綜稽于外天下士大夫蒸蒸乎迷職數言萬一可副朝廷之德意循良長者必且相望起于時選汴虞廷岳牧濟濟師師試功庸服可謂一時千

載願為諸君子竦意過期焉即始元元鳳間事何為不逮也天下郡國浙為首藩浙東西樵李為名郡繡川在樵李為巖邑中湛陳侯名實交暢夫既揚之荐剡上之司功旦夕者必且拭覽澄敘休聲令譽詠菁莪頌甘棠溢于我旁邑想聞慕羨者再三未已也非實有之何能至此夫起名譽者大都尚才入人心者終期一實時之人才問燁然非不傾聽炫觀也者設使有道之士從旁微察焉寔心盡漓緣飾易改辟則市道長水先生文鈔八

錦屋供過客之一盼耳其中無有也古之循吏不然其心為國家培植根本哺之煥之緼休息之必竭乃心以需厥成赤衷白意仰可對皇穹俯無欺蒼赤拜起不媿簪紳寤思不慙形景本意如是止耳名之揚不揚官之顯不顯交游譽不譽一切無所介其中此古人所以深得人心百世不能忘之道也余友比部倪君為余言陳侯之心古人之心不甚艷時目而溫溫深深常入人心其均役平賦清訟省刑振興校學之

績槩難枚舉獨此一腔純樸若素行草木而人不能具言豈非昔人所云惻惻無華平易近人者乎天下驚虛聲侯獨本情實天下急功利侯獨貴清真以是當聖世旋廢之興即漢史中所稱治行表于天下者奚多哉無侯之昔為義興博士與其季公函三游奇侯之行文於稠伍中向余亟稱其有前輩風倪君前令江浦真率自然與侯相似同心之言其味如蘭余聞之洽矣侯今入覲倪君先以入賀行屬余言贈處以長水先生文鈔入

送胡邑黎二尹之任武昌
昔太史公傳貨殖津津乎若有味於青蚨輩者灑削烏裸女懷清辱人薄伎章章艷道之不置說者以為錢賄無以自贖發憤為此嗟乎幾沒史氏之深指矣當此時也咸陽東郭以賈豎縮天下利權言刀錐事如析牛豪而卜式者又以賈人之黠願盡輸家贊助縣官之急及問之不肯道官爵卒以風示天下列為九卿嗟嗟朝廷建利局以爭賈豎之纖微而賈豎乃偽建義幟以探朝廷之名器兩相給兩相邀而賈豎反得操膝場弄玩世主收贏數乎其間故子長發憤于欲言不敢言之日作平準以風其上傳貨殖以規其下其譽之羨之也彌至則其恨之薄之者彌深含風騷之情秉法家之筆信史氏之鐵所謂唾罵嬉笑盡是文章斯其本志也諸傳之首列伯夷中及許由其文曰舉世混濁清士乃見夫夷由隔代人何關漢史彼其視當世若一大溷中何得不慨思古之華人則舉一世亡廉

白自可見于言外已頃吾湖少尹勵齋黎先生
先賢樂溪公孫也清白操勵承藉子襄以賓薦
起家始丞洛川再補句曲並有賢宰之譽兩以
難歸起補吾邑甫一歲遷楚武昌功曹去德宇
溫溫清風穆如日高戶讀古人書賦菰菡之章
以見志其於民事才譎剴材綽有餘格即例所
宜有者嚴卻不入一絲脯菜之屬一不擾市道
人以此德之其將去人以此惜之嗟乎子長若
在今日亦何必慨思夷由拳拳古之人摩目余
長水先生墓銘

宵小中涓半天下楚被其螫尤甚吾悲吾鄉恫
楚之人尤甚今黎先生之楚楚或者其瘳瘳先
生行至不能脂車秣馬湖士民乃軸余空文相
之行此何能鄭重其行李哉雖然余志潔其稱
物芳比于貨殖平準書自與過之矣口碑巷頌
人人能傳其廉白即余盡市上灑削烏裸里父
市魁諸名姓一一著之文字間寧馨自然撲人
鼻不似貨殖傳中語也

劉雲嶠大司成書

伏聞高誼之日久矣僕即在嵯巖之下屈指時
艱每自神往昨綰院符叅法席聞之諸生間咸
謂近所未曾有頃者正位南雍人士忻忭披德
象者沐座上之和風佩法言者立簾前之白雪
古稱師嚴道尊敷教在寬此二義並行則大方
大員將自賢聖出矣敬服僕伏處二十年不及
綰帶從館下游而辱先生收以同署之誼小孫
翰者穉幼無知具荷陶冶前者遵例未敢通書
長水先生文

十三

今翰再來復班肄業敬托貴同年桂渚兄奉茲
啟候頓首謝烏屋之及馬外小集粗成敬奉教
覽倘遂念及署中末誼者乎賜之斧裁再賜之
瑤玉僕之願也非敢必也

與徐九瀛職方

聞之縉紳間推轂門下有經緯當世之望今所
在焚焚正如長河渾渾風濤百變銷萌應卒在
杰士胸中宜日夜深念而具有之者擔重有宏
旦夕將止於躬展布當奈何陪京東南諸駑駘
太禁旅樞庭又陪京居重之根本夙夜綢繆苞
桑戶牖豈俟風雨飄飄而始見乎僕老矣小重
填海徒有此心見鉉來既辱會教今其行也再
申謝悰文字之箴游揚之美門下過厚感戰而
長水先生文鈔入
已不瞻對者十二年歲星一改雙鬢皤然言念
舊游願先生勦勦旂竹青史亡窮

與朱轉運

使君之輟往在雲間郵筒相問聞耳直道事人
席未煖拂衣去為之歎惋昔別記得在太倉官
舫途過之頃握手分携人事匆匆如流水于今
已是十二年思之可念也侄孫厚淳來謁屏几
敬布尺一用徵舊誼并詢春來起居何所似昔
人之什曰五湖煙水茫茫遠明月揚州滿樹花
又云二十四橋零落盡綠楊堤上鳥空啼想門
下對酒高歌念余擊節令人飄飄有跨雀之思
長水先生文鈔入
焉

與沈少林太史

古之君子交之以神求之以氣夢厥象卜非熊
風神眉宇可於空無中望想而得之吾孔子頌
然見文王愾然見姬公非其神氣感合不期自
至之乎夫豈有所思也僕與門下生並世未有
握手解帶之游讀其文間其風興會所到輒有
縈思時前者四明兄出山曾與屈指到兄為言
衙門中將來任世界者必此丈夫此時門下方
在石渠之署田間老農無緣致書中心缺如乃
卡水先三文鈔八
者聞御事暫旋錦里亦會貴同年之便敬布尺
一寓其宿昔瞻望之思焉蓋直道不容于叔世
豪然必憎于流俗自古有之達者不論吾輩控
形景乎百齡接精機于往聖生一日欲一日輪
補于造物動一念欲一念開覺夫生人日斯邁
月斯征曾不容間息孔子孟軻所為汲汲皇皇
常以一日當千載至夫仕止淹速可乎不可聽
之天命浮浮然若行雲耳先生方負天下望將
何以秉此七十二峰之雲三江五湖之月分沙

藉草願與門下共之

卡水先三文鈔八

十六

六

與蔡肖蕪觀察書

門下蒞四明時曾奉手翰感沐高誼不佞弟今者久卧山樊與世濶遠即知愛如門下數歲不傳片札憤焉自比乎天之放民此其行徑大略可推也都不聞問時入寤思亦欲放艇湖濱仰挹光潤顧以老母居恒多疾難以遠離弟且習頗成癖冠紳久廢蓋十年足不至會城矣其為膽總若渴蓄所願言與遭窮負屈遜世不悔之意貯之滿腔見兄時何可勝道其所自足乎海長水先生文集卷八

復邑令王君書

承示海運之議憂國閭民借援數千里外真無可柰何之算讀之惻惻藹食者鄙見不能遠姑與門下私論焉前日者原奉有明旨蠲太倉之粟十萬以濟京師今三輔之災不謀朝夕何能待哺江南跋涉鯨濤而遠致之乎以愚而論唯是今歲漕舟此時相次達天津上下倘即具疏請二十萬為賑此如釜上熟炊張口便可得太上神明慈愛其必不靳今江南新漕糧此月悉不先生文集卷八

十九

使之開闢通行自可以濟緩急淮陽上下從而
湊接之比之海運亦大不同然細察廟廊之
見似以浙直粟饒海道不沅望之縣縣恐此說
者不可不應又不可緩應然而未易應也往僕
七年前曾見東征士從劉家港出洋一月抵朝
鮮若至天津道里期日更近亮必有妙算堪以
處此者今浙中第具書直隸撫院與之約議一
體施行或協助以輕齎或遣人就彼鄰近羅買
應則俱應急則俱急亦不勞之算也老人無識
比之補天填海必為大方所笑

莊赤維博士書

頻年兩奉華牘格峻采奇陳誼甚高此自不佞
心所服非言可及成均清重留局宴閒乃潛龍
抱珠玄豹澤文之時過此以上仕路茫茫不可
再得如此時日境界涵為道德舒為事業勒典
剴經為奕千古為文章三者一道耳此真吾輩
一生了畢事其遇用久連巨細天為之人為之
直付之分外而已以門下高品進此狂言幸勿
迂而置之貴座師雲嶠劉先生素欽高誼昨歲
長水先生文鈔入
遵例不通書小孫瀚者蒙受湛恩皆先生用意
之厚幸為陳謝時維炎候玆玉是祝

復戚年家

門下清流逸品也乃拙於資生珠玉盈把繡繡
盈抱盡莫之知亦莫能重昂鑑之中饑來一字
不堪資者耶笑笑蘇臺武松之行自卜起老雅
誼僕不能阻然前與起老札中言大老若霖久
巷家事付之震器不若二十年前當輶柄事時
夷笑間可以風雷雨露人鄙意正慮及此愛之
助之策將安出擔簦以往垂索以歸為之太息
追唯四十年前一時英游如尊公博雅慷慨為
長水先生文獻人
羣賢所宗我一郡弟兄同榜十九人磊落名天
下乃今秋林落葉在者無幾上闕琪樹蕭疏欲
盡固知交游滿世歸之一空丹雞鳴鶴歸之一
散執事者勉之矣

嶧山記

予奉使銜藩道經滕陽過鄒縣未至廿餘里有
高山可仰玲瓏嵌空紫翠鬱然問之屠人曰嶧
山也余聞嶧陽在魯之南秦碑尚在真一登
覽因問隸人云此去可五里而近從之遂至山
之麓捨輿馬解衣登陟僧一人持孟隸二人具
頽墨遇奇處可書者皆為之命筆然竟其顛覓
秦碑乎亡有也豈所謂嶧山之碑刻之叢木楚
火所焚者耶嘆息徘徊者久之維茲山之石不
相連屬方員平欹各成異象高大者數十丈小
者數丈如覆屋如饅蓋如走丸如斧劈如抵壁
累基如馬首龍領如砌如累如戲獅者百千其
狀乃絕頂一丸者高數十丈歟置領頭斗絕處
下臨不測有可轉隊而不轉之歎故相傳曰此
神戲石也其草木悉與它山同此獨宜桐桐皆
自生不緣培植儼直蒼翠洵是叢材書云嶧陽
孤桐疏者謂可中琴瑟豈茲山玲瓏嵌空之氣
獨鍾此物者歟下山北行十餘里風雨驟至雲